

次吟學仙頌
次出戶呪

太上正一閱錄儀

正一指教齋儀

二儀同卷

正一指教齋儀

正一指教清旦行道儀

忠八

正一指教齋儀

宿啓儀

先發鑪

太上玄元五靈老君當名功曹使者左右龍虎君捧香使者三炁正神急上聞啓三天太上玄元大道君臣等正爾燒香宿啓齋事願得八方正炁來入臣等身中所啓速達徑御至真無極道前

次西向

係天師陽平治左平炁都功臣某甲稽首再拜各三謹聞啓天師嗣師系師女師三師君門下典者君吏願得正一生炁灌養形神五藏生華六府宣通消四方之災禍解七世之殃患長生久視得爲飛仙拜

次北向

係天師陽平治左平炁臣姓名稽首再拜謹聞啓上皇太上北上帝君臣某胎生內人枯骨子孫願得解除七世已下逮及某身千罪萬過陰私伏匿考犯三官者皆乞消解當令福生五方禍滅九陰邪精惡鬼莫敢當向存思神仙玉女來降長生久視壽同三光拜

次東向

係天師陽平治左平炁臣姓名稽首再拜謹聞啓太清玄元三天無極大道太上老君太上丈人天帝君天帝丈人九老仙都君九炁丈人等百千萬萬重道炁千二百官君泰清玉陛下臣等願心開意悟耳目聰明萬仙會議賜以玉丹消災却禍遂獲神仙世官高貴金車八門口舌惡禍千殃萬患一時滅絕記在三官被受三天丈人之恩拜

次南向

係天師陽平治左平炁臣姓名稽首再拜謹聞啓南上帝君三天萬福君願書名玉籍告諸司命以長生爲定又乞敕三天萬福君致四方之錢財八方之穀帛富積巍巍施行

功德所向所欲萬事克成如心所願如手所指久視神仙壽同天地拜

次還東面西

係天師陽平治左平炁臣姓名等上啓
太上無上大道上皇太上北上帝太上大道君南上
大道君泰清玄元上三天無極大道太上老
君太上丈人天帝君天帝丈人九老仙都君
九炁丈人等百千萬萬重炁千二百官君泰
清玉陛下天師嗣師系師女師三師君門下
典者君吏臣等夙參錄佑依法導行助國扶
命出自經旨宣道利物前修所尚敢藉斯義
冒有披陳今謹有齋忱用伸宣讀

讀辭

具如所言誠宜拯濟謹依漢中舊典奉建指
教齋直一日一夜三時行道即夕同集宿啓
上聞恩惟

太上大道君四方教主三師靈應俯垂鑒攝
告下羣司宣勸職掌及土地里域正炁真官
社里邑君咸垂擁護清淨座所過却邪魔傳
祈所願必令通感齋功成就言功酬實謹以

奏聞願加申勸臣某等稽首再拜

次還西向坐說威儀十二法

正一真人三天法師曰指教齋戒有十二法
一者不得食含血有生炁之物薰辛之屬唯
得食菜非向生之月

二者平旦飲粥日中則食自是之後水不過
齒晝則燒香夜則然燈令燈香光不輟須
更坐起時息不離法則

三者晝夜同緣唯道是務
四者思經念戒洗心精進

五者慈孝一切惡念不知開示惡癢為之痛
心

六者悔謝罪過恒如持善叩頭自持禮謝竭
誠

七者棄世爵祿所寶唯道

八者勞身苦體恭敬盡節為道驅馳

九者願除衆病十苦八難得免凡世為太平
種民

十者專道貴德心口相副洗滌精進內外清
潔齋直禮拜不敢怠倦

十一者誦經講道安心定意志願分明無有
邪亂

邪亂

十二者當此之時令淨入戒令入靜念

次補職

高功姓名其職也道德內充威儀外備俯仰
動止莫非法式三界所尊鬼神所瞻開啓

祝頌通真名靈解釋疑滯導達東賢
都講姓名其職也閑習儀範統括憲章宣暢

誠理引導疑昧必令俯仰合度規矩從式
勿漏越唱違忤禮儀

監齋姓名其職也才用貞實質範嚴明勵已

齊衆取為人則方可糾察邪違繩正規軌
勿得輕略科典縱任怠替

侍經姓名其職也位服端嚴敬肅堂筵必令
中帳嚴整凡案齊列開卷蕙軸每存祗勵

勿使執置乖序典章虧失
侍香姓名其職也通言暢理所資在香必令

煙炁氤氳聲散護然後響聞太空聲傳

上境勿使灰炭沈冥芬芳報息

侍燈姓名其職也洞幽朗夜冥寄燈燭必令

列饒齊明通光月路始能皎鏡泉途炳煥
沈穴勿使煙光扇蕩暉影傾囀

次復鑑

香官使者左右龍虎君侍香諸靈官當今靜
室行道靈壇露悃之所自然生金液丹精芝
英百靈衆真交會在此香大案前使某等得
道尅獲神仙臣身受福合門荷恩八方玉女
侍衛香煙傳奏所言徑御
至真無極道前

次詠紫霞頌出壇

紫霞舞玄堂 元炁常無形 洞灌三丹田
八景奉高清 七曜房朗朗 超哉鬱冥冥
曲靜徘徊泉 神龍同戀新 三周一感會
災胞仙道成

正一指教齋儀

正一指教齋清旦行道儀

先發鑑

太上玄元五靈老君當名功曹使者左右龍
虎君捧香使者三炁正神急上關啓三天太
上玄元大道君臣等正爾燒香清旦齋事願
得八方正炁來入臣等身中所啓速達徑御
至真無極道前

次上香周迴還東向再拜

次長跪叩齒二十四通出官

謹出臣等身中五體真官功曹吏出臣等身
中治職君吏建節監功大將軍前部效功後
部效殺驛亭令驛亭丞四部監功謁者及臣
等所佩仙靈二官直使正一功曹治病功曹
左右官使者陰陽神決吏科車赤符吏剛風
騎置驛馬上章吏官各二人出出者嚴裝顯
服冠帶垂纓整其威儀住立臣等前後左右
咸受臣口中辭語分別關啓奏清官屬監齋
君吏天師所布下二十四治諸官君將吏道
上二玄三元四始甲子諸官君七十二官三
官考召直日直符五嶽四瀆丘沼廟神山林

孟長山川溪谷及此間州縣鄉里里域真官
注炁監察考召土地之主社里邑君一時嚴
裝與臣等身中功曹使者及飛龍驛吏上啓
太上大道太上老君太上丈人四方衆真道
德尊君天師嗣師系師女師三師君門下典
者君吏泰清靈神正一諸官君臣等謹參法
敬職在披述爰值歸告輒爲宣騰謹有

次讀解

辭言懇倒謹具陳請爲依漢中舊典建指教
齋直一日一夜三時行道日夜祇誠特賜玄
澤俯垂臨照請三天監齋仙官天兵騎乘各
依儀法一合來下行神布炁輔衛道場澄潔
身心祈願感達降福消禍乞如所陳功曹使
者分別聞奏以時上達列啓事竟各還臣等
身中復於宮室須召又到一如故事

咽起
再拜

次便四方朝

若中夜即於此先發
繼然後行四方朝

太上玄元五靈老君當名功曹使者左右龍
虎君捧香使者三炁正神急上關啓三天太
上玄元大道君臣等正爾燒香清旦齋事願